



UNIVERSITÄTS-
BIBLIOTHEK
PADERBORN

Universitätsbibliothek Paderborn

Instructio practica ...

Continens Armamentarium Seu Panoplima Spiritualem - Id est, Varia arma
& media ad omnis generis tentationes fortiter sustinendas, & feliciter
superandas, Ad Omnium Quidem Animarum

Lohner, Tobias

Dilingæ, 1688

Tent. X. Circa Postpositionem.

[urn:nbn:de:hbz:466:1-48377](https://nbn-resolving.org/urn:nbn:de:hbz:466:1-48377)

innocentiam cum summa ipsius, cognatorum, & totius Populi lætitia & consolatione manifestavit, ita ut ipsum contra falsos Accusatores defensus, & famam ex falsa accusatione deperditam tantò majori cum solatio, gaudiòque sit restitutus, quantò fortiori cum patientia ejusdem ablationem sustinuit, ac toleravit. Dicat proin cum Job: *Ecce in celo testis (Judex, & Protector) meus: Et cum Jeremia c. 1. Tu autem, Domine Sabaoth, qui judicas justè, & probas renes, & corda, videam ultionem tuam ex eis; tibi enim revelavi causam meam.*

§. X.

Tentatio X. Circa Postpositionem.

CXII. **H**onorius bonus cæteroqui Religiosus, sed exiguis talentis præditus, advertens, ad nullum munus paulò honestius se applicari, sed vilissima quæque officia & opera sibi demandari, graviter propterea tentatur non infrequenter; quia tamen seipsum insufficientem agnoscit ad ejusmodi tentationem superandam, Confessarium in auxilium vocat, ab eòque modum resistendi tali tentationi cognoscere petit. Quæritur, quid ei sit respondendum?

Responsio.

CXIII. Inprimis ei exemplum Christi proponat, qui etiam nequissimo & sceleratissimo Latroni postponi se patientissimè tulit; & præterea ultrò se tanquam minimum & postremum ad Discipulorum pedes abjecit. Quare sibi applicet salubrem illam S. Augustini to. 2. ep. 56. adhortationem; *Obsecro vos,*

Et plurimum rogo, non patiamini sine causa tam
 tiosum vobis exemplum exhibitum esse, sed conformem
 mini illi, Et renovamini spiritu mentis vestre. Sed
 illa pij Authoris l. 3. c. 13. verba sibi velut à Christo
 dicta existimet: *Quid magnum, si tu, qui pulvis
 Et nihil, propter DEVM te homini subdis, quia
 ego omnipotens Et altissimus, qui cuncta creavi ex
 to, me homini propter te humiliter subjeci. Falli
 sum omnium humillimus Et infimus, ut tuam super
 biam meam humilitate vinceres. Disce ergo te humili
 re terra Et limus, Et sub omnium pedibus incurvare.
 Exardeſce contra te, nec patiaris tumorem in te
 re, sed ita subiectum Et parvulum te exhibe, ut omnes
 super te ambulare possint, Et sicut lutum platearum
 conculcare.*

CXIV. Secundò illi in memoriam revocet, quod
 Christus Luc. c. 14. dixerit: *Cùm invitatus fueris
 nuptias, vade, recumbe in novissimo loco, ut, cùm
 xerit, qui te invitavit, dicat tibi: Amice, ascende
 superius. Tunc erit tibi gloria coram simul discumben
 tibus, quia omnis, qui se exaltat, humiliabitur: Et
 se humiliat, exaltabitur.* Sequatur ergo & ipse
 consilium, & libenter amplectatur infimum locum
 omnibus, ut à Christo audire mereatur: Alceſcit
 superius, saltem quoad perfectionis gradum; nam
 uti S. Ambrosius rectè dixit: *Quisquis cupit Divi
 tatis tenere fastigium, humilitatis ima sectetur.* Sed
 & ipse DEUS S. Birgittæ revelavit, quòd humilitas
 sit scala, per quam ad cor DEI ascenditur; uti reſpon
 expertus est Frater Urigman ex Dominicana Fam
 lia, qui, cùm nullum sibi locum congruum reperire
 potuisset, nisi in profundo inferno sub ipsomet
 ciferi

libero, hanc è cælo vocem accepit : Citò huc acce-
dit ad thronum altissimum in cor DEI. Hinc re-
tè hortatur S. Augustinus : *Altus est DEVS ; hu-
milia te, & descendit ad te : erigis te, & fugit à te.*
*Quare ? quoniam excelsus est, & humilia de proxi-
mo aspicit, ut attollat, & bonis repleat : alta, id est,
superba de longè cognoscit, ut deprimat.*

CXV. Tertio illi æstimationem officiorum vi-
tium ingenerare studeat, eumque in finem indicet,
quod S. Basilii c. 24. constit. Monast. pronunciat:
*Intelligendum est, inquit, debere pietatis cultorem vi-
tiorum etiam officia, magno cum studio, magna cum ala-
critate suscipere, scientem, nihil minutum esse, quod
DEI causà fiat, sed grande & spirituale, & ejusmodi,
quod cælum nobis & cælestia præmia conciliet. Quod
Gregorius etiam exemplo Davidis confirmans, Ec-
clesiæ, inquit, quem Dominus singulariter cunctis prætulit,
se sub Domino, & exæquando minimis, & abjecta
exhibendo contemnit. Non potestas regni ad memoriam
reducitur, non subjectorum oculis saltando vilescere
metuit, non se honore prelatum ceteris ante ejus ar-
tam, qui honorem dederat, recognoscit. Coram DEO
egit vitia vel extrema, ut illa ex humilitate solidaret,
quæ coram hominibus egerat. Quid de ejus factis ab
alijs sentiatur, ignoro, ego David saltantem plus stupeo,
quam pugnantem : pugnano quippe hostes subdidit ;
saltando autem coram Domino semetipsum vicat.*

CXVI. Quarto illi ostendat, quot & quanta alia
adhuc privilegia officijs minimis competant ; nam i.
pet ea quis DEO magis placet, tanquam servus fide-
lis, qui etiam in minimis fidelitatem ostendit, &
omnem amorem & commodum proprium extirpat.

2. Ea Christi, & Sanctorum exemplis (quibus ad novissimum locum amplectendum hortabantur) magis conformia sunt. 3. Proximum magis ædificant, & ad amorem mutuum incitant, dum quæ ipse forsitan alioqui obire deberet, munera suscipimus. Majorem profectus nostri occasionem offerunt, cum quod magis nos humiliamus, & deprimimus, tanto magis in Spiritu proficiamus, & cælestium donorum capaces efficiamur. 5. Majorem animo quiete conciliant; cum ejusmodi minima officia securis, & sine invidia possideantur, sine grandi labore obtentur, & sine dolore amittantur, atque aded verum sit, quod, qui separat pretiosum à vili, quasi os DEI id est, specialiter dilectus sit, ut Jeremiæ c. 15. dicitur.

. P A R S V .
DE TENTATIONIBUS
VARIARUM PERSONARVM.

I. Etsi omnes illæ tentationes, de quibus hæcenus est actum, Personis occurrere soleant, sunt tamen illæ plerumque communes omnibus hominibus, quia verò adhuc multæ supersunt, quæ certo Personarum generi propriæ sunt, speciatim verò Religiosis, Monialibus, Magistratibus, Subditis, Conjugibus, Viduis, Orphanis, Captivis, Damnis ad mortem; ideo pro his quoque breviter arma sunt præparanda, & subministranda, quod in præterita parte præstabitur.

CAPIT.